



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

111. De his qui obmutescunt antequam Sacerdos veniat ad eos.

urn:nbn:de:hbz:466:1-14622

affectionem ex Dei credamus inspiratione conceptam, ut resipiscant à diaboli laqueis, à quo captivi tenentur ad ipsius voluntatem.

De eadem re. *Ex Concilio Africano.*

CIX. Aurelius Episcopus dixit: Si quisquam in periculo fuerit constitutus, & se reconciliari divinis altaribus petierit, si Episcopus absens fuerit, debet utique Presbyter consulere Episcopum, & sic periclitantem ejus præcepto reconciliare. quam rem salubri consilio debemus roborare.

Conc. Carthag. 2. c. 4.
Burchard, lib. 18. c. 13.

De eadem re. *Ex epistola Celestini Papæ.*

CX. Vera ergo ad Deum conversio in ultimis positorem mente potiùs est æstimanda quàm tempore, Propheta hoc taliter asserente: *Cùm conversus ingemueris, tunc salvus eris.* Cùm ergo Dominus sit cordis inspector, quovis tempore non est deneganda pœnitentia postulanti, cùm illi se obliget judici cui occulta omnia noverit revelari.

Decreta Celest. 1. c. 15.
Burchard, lib. 18. c. 1.

De his qui obmutescunt antequam sacerdos veniat ad eos. *Ex epistola Leonis Papæ.*

CXI. Ita ergo talium necessitati auxiliandum est ut nec actio illis pœnitentiæ nec communionis gratia denegetur, si eam etiam amisso vocis officio per indicia integri sensus quærere comprobentur. Quòd si ita aliqua ægritudine fuerint adgravati ut quod paulò antè poscebant, & sub præsentia significare non valebant, testimonia eis fidelium circumstantium

S. Leo epist. 91. c. 5.
Burchard, lib. 18. c. 9.
Riculf. c. 10.

prodesse debent. simul tamen & pœnitentiæ & reconciliationis beneficium consequantur. [*Mendosa est lectio istius capituli apud Reginonem. Legendum itaque poscebant, sub præsentia sacerdotis significare non valeant &c.*]

De eadem re. *Ex Concilio Carthaginensi.*

Concil. Carthag. 4. c. 78.
Burchard. lib. 18. c. 23.

CXII. Pœnitentes qui in infirmitate viaticum eucharistiæ acceperint, non se credant absolutos sine manus impositione, si supervixerint.

De eadem re. *Ex epistola Siricij Papæ.*

Decreta Siricij c. 5.
Burchard. lib. 18. c. 8.
* *Cod. M. S. communicationis*

CXIII. Quicumque carnali fragilitate ceciderunt, his viatico munere, cum ad Dominum cœperint proficisci, per * communionis gratiam volumus subvenire.

De pœnitentibus subito mortuis. *Ex Concilio Vasensi cap. LXV.*

Concil. Vas. 1. c. 2.
Burchard. lib. 18. c. 24.

CXIV. Eorum qui in pœnitentia accepta in bonæ vitæ cursu sine communionem subito moriuntur oblationem recipiendam, & eorum funera ac deinceps memoriam ecclesiastico affectu prosequendam.

De communionem privatis qui vita defuncti sunt. *Ex epistola Leonis Papæ.*

Decreta Leonis 1. c. 20.
Burchard lib. 11. c. 52.
* *Leg. non diff.*

CXV. Horum causa Dei iudicio reservanda est, in cujus manu fuit ut talium obitus usque ad communionis remedium * differretur. Nos autem quibus viventibus non communicavimus, mortuis communicare non possumus.